

Gjykata komunale për kundërvajtje në Ferizaj, në procedurën kundërvajtëse kundër të pandehures Sadete Lohaj nga fshati Budrigë KK Viti, për shkak të kryerjes së veprës kundërvajtëse nga neni 17 par. 1 pika 1 të Ligjit nr.04/L-050 për Deklarimin, Prejardhjen dhe Kontrollin e Dhuratave të Zyrtareve të lartë publik, e në bazë të neneve 31,73 dhe 195 të Ligjit mbi kundërvajtjet me datë 01.11.2012. merr këtë:

**A K T V E N D I M**

DPK/DMP  
02

03-4499/12  
17.12.2012

E pandehura: Sadete Tefik Lohaj, e lindur me datë 15.03.1967, me vendbanim ne fsh: Budrigë-KK Viti, me profesion profesor, e martuar, shtetase e Republikës së Kosovës.

**Ë S H T Ë P Ë R G J E G J Ë S E**

Sepse gjatë ushtrimit të funksionit publik, në pozitën këshilltare në asamblenë Komunale të KK Ferizaj, nuk e ka deklaruar pasurin brenda afatit ligjor, obligim ligjor që parashihet sipas Ligjit për deklarimin, prejardhjen dhe kontrollin e pasurisë së zyrtarëve publik,  
-me çka ka kryer kundërvajtje nga neni 17 par.1 pika 1 të Ligjit nr.04/L-050 për Deklarimin, Prejardhjen dhe Kontrollin e Dhuratave të Zyrtareve të lartë publik  
-andaj në bazë të dispozitës së thekësuar ligjore,

**D Ë N O H E T**

Me gjobë në të holla në shumë prej 1000Euro (njëmijë Euro)

Dënimin e shqiptuar duhet ta paguaj në afat prej 15 ditësh, nga dita e plotëfuqishmërisë së këtij aktvendimi. Nëse e njëjta nuk e paguan në afatin e caktuar, do ti zëvendësohet me dënim burgu në kohëzgjatje prej 30 ditësh.

E pandehura obligohet që në emer të shpenzimëve të procedurës gjyqësore, të paguaj shumën paushalle prej 10 €. në afat prej 15 ditësh, nga dita e plotëfuqishmërisë së këtij aktvendimi.

**A R S Y E T I M I**

Agjensioni kundër Korrupsionit në Prishtinë i parashitri kësaj Gjykate, kërkesën për fillimin e procedurës për kundërvajtje nr.01-2208/2012 datës 04.06.2012, kundër të pandehurës Sadete Lohaj nga Vitia – Këshilltare në KK Ferizaj, për shkak se nuk ka përmbushur obligimin ligjor që parashihet me Ligjin nr.04/L-050 për Deklarimin, Prejardhjen dhe Kontrollin e Pasurisë dhe të Zyrtareve të lartë Publik, dhe kërkoi që e pandehura të shpallet fajtor dhe të dënohet konform nenit 17 par.1.3 të Këtij Ligji.

Gjyqtari filloi procedurën kundërvajtëse, mori në pyetje të pandehurën e cila në deklaratën e saj të datës 21.09.2012, nuk e ka pranuar veprën kundërvajtëse që i vihet në barrë, dhe ka shtuar se në pozitën e këshilltares në KK Ferizaj, merr pjesë vetëm kur mbahen seancat e asamblesë së KK Ferizaj, dhe se nuk ka qenë e njoftuar nga askush që ta bëjë deklarin e rregullt vjetor të pasurisë dhe nuk ka pasur kërkesë nga Agjensioni antikorrupsion që ta deklaroj pasurin.

Për të vërtetuar gjendjen faktike dhe të plotë, gjyqtari e ftoi të dëshmoi zyrtarin Naser Musa – në pozitën e zyrtarit të pikës kontaktuese në KK Ferizaj, me dt. 02.10.2012, i cili deklaroi se materialin e formularëve për deklarimin e pasurisë iu ka shpërndarë këshilltarëve të asambles komunale në mbledhjen e dt.09.03.2012, të cilët janë njoftuar edhe gojariht nga foltorja e sallës së kuvendit nga kryesuesi i Kuvendit Komunal, dhe për këtë si dëshmi ofron regjistrin e anëtareve pjesëmarrës të datës 09.03.2012.

Dëshmitari tjetër Fatmir Matoshi – në pozitën e mbarvajtësit të Kuvendit në dëshmin e tij të dhënë me date 31.10.2012, deklaroi se me datë 09.03.2012, kur është mbajtur mbledhja e seancës së Kuvendit, i ka shpërndarë formularët e deklarimit të pasurisë në ulësen e secilit këshilltar, para fillimit të seancës, dhe shton se këshilltarja Sadete Lohaj ka qenë prezente në këtë mbledhje.

Në bazë të kërkeses së parashtruesit për fillimin e procedurës kundërvajtëse dt. 04.06.2012, deklaratës se te pandehurës, deklaratës se dëshmitarëve, regjistri i mbledhjes KK Ferizaj dt.09.03.2012, gjyqtari pas administrimit te secilës provë veç e veç, dhe te gjitha se bashku, vërtetoi gjendjen e plote dhe faktike me çka erdhi ne përfundim se në veprimet e të pandehurës ekzistojnë elementet e kryerjes së kundërvajtjes nga neni 17 par.1 pika 1 te Ligjit për Deklarimin, Prejardhjen dhe Kontrollin e Dhuratave te Zyrtareve te lartë publik, dhe e njëjta u shpall përgjegjëse për kryerjen e kësaj vepre kundervajtëse.

Këtë gjendje faktike të cekur si më lartë gjyqtari e mbështeti në shkresat e lëndës, nga te cilat vërtetohet se e pandehura nuk ka ndërmarr asnjë veprim te duhur me te cilën do te dëshmonte përmbushjen e obligimit ligjor per ta deklaruar pasurin brenda afatit ligjor qe parashihet sipas dispozitave ligjore te nenit 8 par.1 te Ligjit mbi deklarimin dhe Prejardhjen e pasurisë nr.04/L-050.

Për te vërtetuar përgjegjësin e te pandehurës ne kryerjen e veprës kundërvajtëse, gjyqtari vërtetoi se nga regjistri i pjesëmarrësve ne mbledhjen e KK Ferizaj te datës 09.03.2012, shihet se në numrin rendor 25, figuron emri dhe nënshkrimi i te pandehurës, ndërsa nga deklarata e dëshmitarëve Naser Musa – zyrtar i pikës kontaktuese ne KK Ferizaj, dhe Fatmir Matoshi zyrtar per mbarëvajtjen e Kuvendit, vërtetohet se e pandehura ka marrë pjesë ne mbledhjen e dt.09.03.2012 dhe të njëjtës i është dhënë materiali për deklarimin e pasurisë sikurse te gjithë pjesëmarrësve tjerë, dhe në të njëjtën kohë është njoftuar gojarisht nga kryesuesi i kuvendit për plotësimin e formularit për deklarimin te pasurisë dhe ti dorzojn ne Agjensionin kunder korrupsionit.

Pas procedimit te gjitha këtyre fakteve të cekura si më lartë, gjyqtari ka fituar bindjen e lirë se e pandehura është përgjegjëse për kryerjen e kundërvajtjes nga neni 17 par.1 pika 1.1 te Ligjit mbi Deklarimin, Prejardhjen e pasurisë. Gjyqtari ka kualifikuar veprën kundërvajtëse te kryer nga e pandehura, sipas dispozitave ligjore te cekura si me lartë, pasi që në këtë periudhe kohore te deklarimit te pasurisë, zyrtarët e lartë publik kanë pasur obligim ligjor ta bëjnë deklarimin e rregullt vjetor te pasurisë, brenda afatit te caktuar kohor.

Gjatë matjes së dënimit është marrë parasysh pesha e kundërvajtjes dhe pasojat e tyre, rrethanat nën të cilat është kryer kundërvajtja, andaj te pandehures iu shqiptua dënimi si në dispozitiv të këtij aktvendimi, me bindje se edhe me këtë lloj dënimi do të arrihet qëllimi ndëshkimor.

#### **KESHILLA JURIDIKE:**

Kundër këtij aktvendimi mund të ushtrohet ankesë Gjykatës së Lartë për kundërvajtje në Prishtinë, në afat prej 8 dite, nga dita e pranimit të këtij aktvendimi, përmes kësaj Gjykate, pa pagesë takse.

Sek, juridike  
M. Qalaj

